



Број: 05/8-50-14-485-10/16

Сарајево, 23.6.2016.

Z A P I S N I K

9. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 10.5.2016., od 11 do 11,30 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Bariša Čolak, Anes Ličina, Darko Babalj, Halid Genjac, Borjana Krišto, Ivanka Marković i Hanka Vajzović.

Sjednici su prisustvovali i predstavnici medija, te službenici Sekretarijata Parlamentarne skupštine Bosne i Hercegovine (PSBiH):

- Anja Grabovac, Oslobođenje,
- Semira Degirmendžić, Dnevni avaz,
- Dubravko Brdar, šef Kabineta zamjenice predsjedavajućeg Predstavničkog doma PSBiH,
- Ljerka Bojić, rukovoditeljica Sektora za druga parlamentarna tijela PSBiH,
- Jovica Katić, sekretar Komisije, i
- Aleksandra Zirojević, administrativno-tehnička saradnica u Sektoru za druga parlamentarna tijela PSBiH.

Kako nije bilo rasprave o prijedlogu dnevnog reda, konstatirano je da 8. sjednica Komisije ima sljedeći

DNEVNI RED

- 1. Verifikacija Zapisnika 8. sjednice Komisije,**
- 2. Razmatranje Izvještaja o radu Agencije za prevenciju korupcije i koordinaciju borbe protiv korupcije za 2015. godinu (sačinilac: Agencija za prevenciju korupcije i koordinaciju borbe protiv korupcije);**

3. **Otvaranje zaprimljenih koverti dostavljenih od kandidata za direktora i zamjenike direktora Agencije za prevenciju korupcije i koordinaciju borbe protiv korupcije, po zahtjevu Komisije za izbor i praćenje rada Agencije za prevenciju korupcije i koordinaciju borbe protiv korupcije;**
4. **Dogovor o daljnjim aktivnostima u vezi s provođenjem konkursne procedure za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije,**
5. **Tekuća pitanja.**

Ad.1. Verifikacija Zapisnika 8. sjednice Komisije

O Prijedlogu zapisnika 8. sjednice nije bilo rasprave.

Komisija je jednoglasno usvojila Zapisnik 8. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije.

Ad.2. Razmatranje Izvještaja o radu Agencije za prevenciju korupcije i koordinaciju borbe protiv korupcije za 2015. godinu (sačinilac: Agencija za prevenciju korupcije i koordinaciju borbe protiv korupcije)

Halid Genjac, član Komisije, tokom rasprave ocijenio je da je Agencija dostavila vrlo temeljit izvještaj, koji na vrlo egzaktn način prikazuje agencijske podatke o prevenciji i borbi protiv korupcije u proteklog godini. Sugerirao je da budući izvještaji Agencije u sebi sadrže više podataka u vezi s pojedinačnim prijavama korupcije, grupirajući pri tome te analize na način da pokažu koji broj njih je procesuiran, okončan, odnosno sankcioniran.

Kako nije bilo daljnje rasprave o ovom izvještaju, Komisija se odredila o predloženom izvještaju.

Komisija je jednoglasno podržala Izvještaj o radu Agencije za prevenciju korupcije i koordinaciju borbe protiv korupcije za 2015. godinu.

Ad.3. Otvaranje zaprimljenih koverti dostavljenih od kandidata za direktora i zamjenike direktora Agencije za prevenciju korupcije i koordinaciju borbe protiv korupcije, po zahtjevu Komisije za izbor i praćenje rada Agencije za prevenciju korupcije i koordinaciju borbe protiv korupcije

Nakon što je ostvarila uvid u dvije koverta na kojima nisu pisala imena kandidata, Komisija je, na prijedlog Halida Genjca, člana Komisije, u vezi s ovom tačkom dnevnog reda usvojila sljedeće zaključke:

1. Komisija za izbor i praćenje rada Agencije za prevenciju korupcije i koordinaciju borbe protiv korupcije konstatirala je da su 22 kandidata za direktora i zamjenika direktora Agencije za prevenciju korupcije i koordinaciju borbe protiv korupcije, kojima su blagovremeno dostavljeni obrasci po članu 10 d. stav (1) Zakona o Vijeću ministara BiH, dostavili ove obrasce u skladu sa Zakonom o Agenciji za prevenciju korupcije i koordinaciju borbe protiv korupcije i Poslovníkom Komisije za izbor i praćenje rada Agencije za prevenciju korupcije i koordinaciju borbe protiv korupcije.

Komisija je, također, konstatirala da kandidat Svevlad Hoffmann nije dostavio popunjene obrasce u skladu sa zahtjevom Komisije za izbor i praćenje rada Agencije za prevenciju korupcije i koordinaciju borbe protiv korupcije.

2. Zadužuje se sekretarijat Komisije da, nakon što ostvari uvid u sve pristigle obrasce, konstatira da li su sve formulare popunili i potpisali kandidati za direktora i zamjenika direktora Agencije za prevenciju korupcije i koordinaciju borbe protiv korupcije, te da ove obrasce dalje prosljedi Centralnoj izbornoj komisiji (CIK) i Državnoj Agenciji za istrage i zaštitu (SIPA).

Ad.4. Dogovor o daljnjim aktivnostima u vezi s provođenjem konkursne procedure za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije

Komisija je konstatirala da će, u skladu s važećim zakonskim rješenjima i Poslovníkom Komisije za izbor i praćenje rada Agencije za prevenciju korupcije i koordinaciju borbe protiv korupcije, SIPA i CIK izvršiti neophodne provjere, te da će Komisija nakon dostavljanja traženih potvrda od ovih institucija zakazati termine za intervju s kandidatima za direktora i zamjenike direktora Agencije za prevenciju korupcije i koordinaciju borbe protiv korupcije.

Ad.5. Tekuća pitanja

U okviru tekućih pitanja razmatran je poziv Transparency Internationala Bosne i Hercegovine na konferenciju „*Sukob interesa - Izmjene zakonskog i institucionalnog okvira*“, čije je održavanje predviđeno za 12.5.2016. u Sarajevu.

Komisija je konstatirala da će navedenoj konferenciji prisustvovati članovi Komisije Anes Ličina, Halid Genjac i Hanka Vajzović.

Sjednica je okončana u 11,30 sati.

Sastavni dio ovog zapisnika je tonski snimak 9. sjednice Komisije.

Sekretar Komisije
Jovica Katić

Predsjedavajuća Komisije
Aleksandra Pandurević

Dostavljeno:

- naslovu
- a/a